



Broj: 05-13-5042-7/23  
Sarajevo, 03.10.2023. godine

U skladu sa članom 17. Uredbu o održavanju i upravljanju sistemom javne rasvjete ("Službene novine Kantona Sarajevo" br.05/23) i članom 22. i članom 23. Pravilnika o tehničkim uslovima sistema javne rasvjete Kantona Sarajevo ("Službene novine Kantona Sarajevo" br.23/20, 26/20 i 18/23) Ministarstvo komunalne privrede, infrastrukture, prostornog uređenja, građenja i zaštite okoliša **o g l a š a v a**

### **Ponovljeni javni poziv za dostavu zahtjeva i dokumentacije za korištenje stubova javne rasvjete za postavljanje putokaza za pravna lica**

S obzirom na mali odziv pravnih subjekata, a koji bez odobrenja ovoga Ministarstva koriste stubove sistema javne rasvjete za isticanje putokaza za pravne subjekte, ovo Ministarstvo oglašava "**Ponovljeni javni poziv za dostavu zahtjeva i dokumentacije za korištenje stubova javne rasvjete za postavljanje putokaza za pravna lica**".

Ministarstvo obavještava i poziva sve zainteresirane pravne subjekte da mogu podnijeti pisani zahtjev ovome Ministarstvu za korištenje stubova javne rasvjete za isticanje putokaza na stubovima javne rasvjete sa slijedećom dokumentacijom:

- a) dokaz o registraciji pravnog lica
- b) naziv općine, naziv ulice i najbliži broj ulice gdje se nalazi stub javne rasvjete
- c) RM stuba javne rasvjete

Tehnički uslovi za postavljanje turističkih i ostalih putokaza definirani su članom 22. Pravilnika o tehničkim uslovima sistema javne rasvjete ("Službene novine Kantona Sarajevo" br. 23/20, 26/20 i 18/23).

U skladu sa članom 23. Pravilnika o tehničkim uslovima sistema javne rasvjete ("Službene novine Kantona Sarajevo" br. 23/20, 26/20 i 18/23) Ministarstvo daje saglasnost podnosiocu zahtjeva za turističke i ostale putokaze u formi Rješenja na godinu dana sa mogućnosti produženja.

Naknada za postavljanje turističkih i ostalih putokaza je 120 KM / po znaku na godišnjem nivou.

Ministarstvo sklapa ugovor na godišnjem novou o korištenju turističkih i ostalih putokaza sa podnosiocem zahtjeva.

**Rok za dostavu dokumentacije je 30 dana od dana objavljivanja.**

Nakon isteka ovoga roka svi pravni subjekti koji na terenu budu otkriveni da bez odobrenja ovoga Ministarstva koriste stubove javne rasvjete bit će tretirani kao neovlašteno korištenje sistema javne rasvjete Kantona Sarajevo u skladu sa članom 25. Uredbe o upravljanju i održavanju sistema javne rasvjete, te će biti poduzete sankcije u skladu sa članom 26. i članom 28. navedene Uredbe.

Kontakt osoba u Ministarstvu je Šef odjeljenja upravljanja javnom rasvjetom KS Jasna Mujagić i/ili stručni savjetnik Nermin Rašidagić: tel: 033 562 143; mail adrese: [jasna.mujagic@mkipgo.ks.gov.ba](mailto:jasna.mujagic@mkipgo.ks.gov.ba) i [nermin.rasidagic@mkipgo.ks.gov.ba](mailto:nermin.rasidagic@mkipgo.ks.gov.ba).

S poštovanjem.



**Dostaviti:**

- ① Na web stranicu Ministarstva i Vlada Kantona Sarajevo
2. Oglasiti na TV Sarajevo
3. Oglasiti u "Dnevni Avaz"
4. Evidencija
5. Arhiva

